

元和唯亭志卷十五

耆碩

鄉黨莫如齒何歟良以閱歷久則更事多年齒尊則修德邵其足式浮靡而生敬憚者匪淺也若血氣既衰專工心計又當別論志耆碩

明

王紀字仲綱宋進士大有後自葑門丹霞里遷居唯亭隱逸不仕以耕讀課子孫有龐德公風 國朝

進士彭紹升題其像曰有屋斯構有田斯墾隱遯

元和唯亭志

卷十五

耆碩

一

唯亭水源木本

太原家譜

吳杲字照亭其先本杭州右族杲潛修不仕遯居里

東之橫經村耕讀以終

延陵世譜

沈鏊字蒼溪由湖廣遷居唯亭山麓性嚴肅舉動有則言語不苟鄉閭咸敬之著有家訓三十則以教

子孫皆真實語 國朝舉人巽宗城贊皆其後也

始祖蒼溪公傳謹錄宗譜家傳編入編中祖名皆同志所填故直書不諱後倣此

高守耕澱涇人工詩善畫性清介士大夫踵門閉不

納與沈石田為詩酒交

尤侗傳

王常唯亭人家素封樂善好施成化間仁壽橋圯常偕同里歸以德捐貲鼎新里人感其德因名其橋曰王店橋

蔣澄字惟清號古江慕陸天隨之爲人日與張友山

釣游吳淞之上

浦里志

蔣濂字惟潔號尚默以孝友稱治生有方務爲厚德有鬻田者與值必多貸米者取息必少鄉農苦水患獨出貲築堰又以青邱顧浦二橋俱壞復築成

之

浦里志

元和唯亭志

卷十五

耆碩

二

顧所居字仁甫號鎮陽應麒子舉鄉飲大賓年七十

有一子予升字南征 國朝順治乙酉科舉人恒

字人月兆先字與幾並諸生

顧氏近譜

歸隆允唯亭人有碩德舉鄉飲大賓天啟元年里中讓王廟將圯獨出貲重建又以狀元涇橋將壞復與王堯仁共捐貲築成之

蔣煉字允剛號心春性剛直內行修飭孝友無間申

文定公誌其墓

歸樟唯亭人樂善好施耄齒不倦嘉靖間王店橋圯

與王承寵捐貲重修又歸大同亦里人喜奉佛曾
倡捐重修延福寺

吳邦樞字三泉杲之後性質樸和以處衆儉以持家

閻里咸稱長者

延陵
世譜

國朝

王用德字繩武號景林士龍長子太學生祖父故

名醫用德繼其業以濟人年八十六子逢聖字汝

明號樹民庠生逢年字汝豐號茂林亦精醫

瑯琊
宗譜

尤本立字仁軒里中人性格慨樂善不倦康熙癸

元和唯亭志

卷十五

耆碩

三

酉創建霖雨跨塘石梁親自勸捐二年工竣民不

病涉年八十有三以孫爵 貤封儒林郎

王克宏字子任性孝友食貧不苟取與力學未售

年六十有二

蔣鏞字季光貧而尚義好學工詩著有吟浦稿年

八十有六

沈文元字善長天性寡言笑容貌端莊動作不苟

當於古人中求之祖產中落文元克勤克儉恢復

前業使親得享晚年之樂尤能周親黨之急年七

十有六 先六世祖善長公傳
傳謹錄家傳編入

王宗恒字冀高唯亭山人性剛直言信行果尤好
周濟扶孤卹寡慷慨不吝舉鄉飲大賓年八十有

三 甫里
志

王璧字垂生里中人精易數善堪輿術素行端方
族黨咸稱長者年六十有九

沈其勲字紀常國學生勤於治生而自奉儉約事
親孝交友信賙窮恤匱不吝解囊嘗捐貲偕里人

陳起先創建項田石梁迄今利涉年六十有七 先
五

元和唯亭志

卷十五 耆碩

四

世祖紀常公傳
謹錄家傳編入

王珩字楚推璧弟性樸茂生平無機心械事元和
舉鄉飲介賓年八十子用和字紹槐號梅岡議敘
州吏目乾隆四十六年偕里人范思劬沈端書陳
紹彭衛軼清沈岵亭朱椒堂輩創建積善局以理
瘞埋

吳繼聲字堯璧邦樞子長庠增生採芹後不事進
取怡情色養上奉雙親下撫諸弟孝友兼備年六
十有五子二星拱字紫藩長庠生救災卹乏恬退

寡營遠近稱之星曙崑庠生

詳孝友傳

朱文元字尚卿里中人性醇謹篤行友愛乾隆九年太守覺羅雅聞其賢舉鄉飲大賓給碩德堪型額年八十有一

吳維鑑字鏡千父士型

見人物傳

謹言慎行不假外飾

年八十有一

吳維鉞字惠臣號偉人維鑑弟稟性誠實言必踐行年八十

王慎聰字爾謀號澄齋事母孝碩德著於鄉黨嘗

元和唯亭志

卷十五

耆碩

五

捐貲重建狀元涇橋至今利涉年七十有八進士

王岱東撰傳

王如金字德彰年高德邵 恩賜九品章服

顧漢字伶先庠生嗣曾子好吟詩工繪事尤精軒

岐術屢爲人起疾乾隆元年 恩賜八品頂帶年

八十有六

施承傳

尤舜昭字筍莊本立孫考授州同知壯年失偶不置妾媵終其身不近女色生平言笑不苟接人以誠薄有田產自奉儉約而里黨中極貧者恒周濟

之年五十有九以孫爵 貤贈朝議大夫

李汾字玉如號澹初金巷人牆東先生之孫牆東
學問淹洽才調富有著有香濤詩草行世汾稟承
祖學淬勵滋甚習制藝工韻語教授弟子啟發無
遺晚年詩學益純與郡中顧星橋沈春江江再花
玉峯杜介亭金海峯同里吳賁園許芑洲趙倚樓
王嶽亭結詩社著有婁水詩鈔採刻停雲集內
吳露字潤蒼星曙子學業廣博立品端方教授終
身人無間言

元和唯亭志

卷十五

耆碩

六

王毓秀字崧維號嶽亭孝子嗣芳孫元庠生有文
行喜施捨乾隆己丑偕里人朱倬李潮輩創建斗
尊閣於延福寺王岱東記

朱公卿字 牛草圩人有碩行乾隆丁亥舉鄉
飲大賓殿撰張書勲欽其德贈質茂喬松額年七
十

王廷霖字翔林號蘭陔家瓚四世孫吳庠生以醫
著名吳中歷蒙蘇撫荆道乾給品高術妙額糧道
勞樹棠給仙手佛心額督糧同知唐先甲給術精

俞扁額

沈世華字端書號松齋元庠生工詩善書持身端
恪事母以孝著司積善局董勤而不私佐母建至
德廟橋工年六十有五子三泰字履安號芝巖府
庠生書學率更詞藝詩賦並臻妙品長豐字敬南
號椿庭銓選巡檢異詳人
物傳
吳道濬字在川維鑑子性慷慨氣豪俠與人交重
義輕財有指困相贈風

王永齡字嗣昌里中人好讀書工文詞淡於進取

元和唯亭志

卷十五

耆碩

七

樂善不倦

吳淞字南涯維鉞子承先守本不務紛華與人交
無疾言遽色

衛邦彥字軼清號曉嵐長庠生父文焯見孝
友傳邦彥

好古力學孝友型家能副先人之志子逢慶府庠
附貢生遇辰國學生並躬行孝弟持家有則

吳學潮字企韓號如山父廷鋹見人
物傳學潮幼負異

資文才淵博讀書嗜古至老不倦

王和字中發號若隱唯亭山人天資穎悟磊落不

羣尚廉直重情義鄉黨咸稱長者孝廉張邦弼撰
傳子逢午字賓儀號二安府庠歲貢生有文名食
貧好古教授終身

王永和字行元號杏園國學生治生有方務爲積
德佃有抗租者未嘗控追人有貸米者不計息乾
隆五十年捐貲助賑議敘州佐子三長守貞字芳
筠國學生孝友醇謹侍御譚瑞東撰傳次仁三守

昌

並詳孝友傳

朱丕訓字學臣號鶴秋文元曾孫國學生奉嗣母

元和唯亭志

卷十五

耆碩

八

以孝稱敦本睦族有求必應有族人貸其千金力
不能償卽焚其券人稱爲義捐貲佐修節孝祠子
恒國學生

吳之漢字源長號涉江國學生善書法治家勤儉
捐祭產以立家祠兄學潮記其事子應昌邑庠生
姪棟字啟堂亦工書精楷法

李逢慶字鑑山元庠生家貧以教授自給啟發弟
子詳細不厭以故從遊甚衆

吳世榮字象昭太學生卓然自立才識過人承先

啟後兩無遺憾年六十有七配錢氏布衣操作能
諳大體事詳徐瓚傳子林字振儒號素廬太學生
守本砥行著有家訓十則以戒子孫

朱椿字俊千號雲高居心醇謹家貧樂善道光癸
未與沈岵亭募捐重建霖雨跨塘石梁二年工竣
監督不倦年七十

唐桂森字迴凡號素蟾世傳軒岐術尤精幼科有
聞於時晚年治痧痘有轉殆爲安之妙年七十又
有蘇長吉字又生亦以軒岐濟人聞請卽往不論

元和唯亭志

卷十五

耆碩

九

直貧民尤蒙惠焉

陳壽春字紹彭號淑亭國學生美丰儀工算善弈
尤精一掌金卜課談吉凶多奇中里西蕭涇橋圯
與沈岵亭朱碧田輩捐貲築成之司積善局總數
十年始終如一

高思義字銳伯號竹香居澗涇爲人誠謹古樸務
讀書好韻語父守成慈和利濟里中頌其碩德思
義爲令叔紱堂太史所契愛蓋重其品也

梅村
筆記

朱大煥字啟文精岐黃術好吟詠著讀易居吟稿

葉孝廉鑽贈詩有一家風雅卽神仙句蓋子昌期亦善詩也

王克誠字鶴田居唯亭性端謹誠樸尚義年九十

三

陸文炳字澄齋質直抗爽家貧業賈不苟取予遭回祿延燒客貨稱貸償之商人高其誼贈德義兼隆額年九十餘

朱錫穀字碩庭號蘭皋府庠生性孝友能體父志友愛少弟且讓產焉後家日落以教授自給喜爲
元和唯亭志

卷十五

耆碩

十

人排難解紛不避嫌怨間有欺之者亦不校里人稱之年六十八令終